

Sa domadura de sas abes in su Mediterràneu comintzat unos cantas mìgias de annos faghet, cando su mojaresu fiat cunsideradu unu majarzu, ca anchi fiat capassu de chistionare cun sas abes e aiat su podere de las cumandare e sutamìtere faghende-lis fàghere totu pro àere mele, chera, catiruju. Una paristòria betza meda contat chi sa costumàntzia de sas abes in Sardinna si depat a Aristeo chi, lòmpidu in s'isula, at imparadu a sos òmines a las contipigiare. E pro li torrare gràtzias sos sardos l'ant fraicadu un'istuata, Aristeo totu cucugiadu dae sas abes, chi anchi diat èssere agatada in Ulìana, in Vidda 'e su medde. Chi siet a beru o nono, una cosa ebbia pare pretzisa: sa faina de su mojaresu est arte antiga meda e, forsis, sos primos durches sardos sunt nàschidos dae s'abbòju de sa pasta cun su mele. Galu oe, sa seada mustrat custu ligàmine sena tempus tra pasta mele e casu, pro inditare sa testimonia de su traballu de massajos, mojaresos e pastores.

### **Sos oos froridos**

Una borta unu cunilleddu at pensadu de donare a duos pitzinneddos, minoreddos minoreddos, unu muntone de oos de pasca. Los cheriat ispantare e ses postu a chircare unu zassu in ue los cuare. A s'arborinu, tando, est andadu a curtzu a sa dome de sos duos amigheddos cun unu sacu, mannu mannu, prenu de oos. In dae in artis de sa domo b'aiat unu pradu, cucuzadu totu de frores colorados chi pariant, a los bìdere gai, oos colorados a beru. Mi'! Agatadu su logu pro nche cuare su sacu: in mesu a sos frores. A ispantu mannu!

Laboratòriu pro sos pitzinneddos (4- 10 annos). S'at a fàghere in sa Biblioteca comunale. Pro si nche iscriere tocat de dare s'adesione a sa biblioteca.